



Broj: Ž-SA-05-325, 326/16; P - /16
Datum: 04.10.2016. godine

PARLAMENT FEDERACIJE BOSNE I HERCEGOVINE
PREDSTAVNIČKI DOM
DOM NARODA

PREDMET: Informacija o Preporuci Ombudsmena za ljudska prava Bosne i Hercegovine povodom prigovora na izbor i imenovanje članova Uprave “JP BH Pošta” d.o.o. Sarajevo

Poštovani,

Ombudsmenima za ljudska prava Bosne i Hercegovine obratili su se, dana 17.03.2016. godine, **Timur Gadžo i Ibrahim Bećirbegović** prigovorom na postupanje Nadzornog odbora “JP BH Pošta” d.o.o. Sarajevo u proceduri izbora i imenovanja članova Uprave ovog Javnog preduzeća po Javnom konkursu objavljenom u “Službenim novinama Federacije BiH”, broj: 10/16 od 10.02.2016. godine.

Podnositelji prigovora ističu da imenovanje nije provedeno u skladu sa Zakonom o ministarskim, vladinim i drugim imenovanjima Federacije Bosne i Hercegovine¹ iako je takva obaveza propisana članom 42. Statuta “JP BH Pošta” d.o.o. Sarajevo, sa kandidatima nije proveden intervju, niti je kod izabраниh kandidata utvrđeno postojanje sukoba interesa.

Prema navodima podnosioca prigovora, kandidat imenovan za generalnog direktora “JP BH Pošta” d.o.o. Sarajevo, Mirsad Mujić, ne ispunjava uslov od pet godina iskustva na rukovodnim poslovima propisan Javnim konkursom, kao ni uslov nespojivosti sa funkcijom u političkoj stranci s obzirom da je imenovani član Glavnog odbora Stranke demokratske akcije.

Kandidat imenovan za izvršnog direktora Sektora za razvoj i informacioni sistem, Nedim Matoruga, prema tvrdnjama podnosioca prigovora također nije mogao biti imenovan na ovu

¹ „Službene novine Federacije BiH“, broj: 12/03, 34/03 i 65/13

funkciju jer je do 30.12.2015. godine obavljao dužnost vijećnika u Općinskom vijeću Općine Ilijaš, koja činjenica je suprotna odredbi člana 5. stav 1. Zakona o sukobu interesa u Federaciji BiH.

Po ispitivanju svih činjenica i okolnosti predmeta, Ombudsmeni Bosne i Hercegovine su, dana 25.08.2016. godine, uputili Preporuku Vladi Federacije Bosne i Hercegovine i Nadzornom odboru "JP BH Pošta" d.o.o. Sarajevo da usklade proceduru izbora i imenovanja Uprave "JP BH Pošta" d.o.o. Sarajevo sa važećim zakonskim propisima, te Ombudsmene obavijeste o postupku i rokovima za preduzimanje mjera na realizaciji date Preporuke u roku od 15 dana.

U skladu sa članom 32. stav 2. Zakona o ombudsmenu za ljudska prava Bosne i Hercegovine² i članom 17. Zakon o ministarskim, vladinim i drugim imenovanjima Federacije Bosne i Hercegovine koji glasi: "Ako odgovorni javni službenik ne odgovori u skladu odredbama stava 2. ovog člana ili ako ombudsmen nije zadovoljan navedenim odgovorom ili prijedlogom mjera na osnovu njegovih preporuka, svoje nalaze i preporuke vezano za imenovanje upućuje Parlamentu Federacije", u prilogu Vam dostavljamo kopiju navedene Preporuke i odgovor dostavljen od strane Ureda premijera Federacije Bosne i Hercegovine, akt broj: 01-10-1231-2/16 od 09.09.2016. godine, i predsjednika Nadzornog odbora "JP BH Pošta" d.o.o. Sarajevo, akt broj: N.O-2.4-14531/16 od 30.08.2016. godine, te Vas ujedno pozivamo da Ombudsmenima Bosne i Hercegovine dostavite povratnu informaciju o poduzetim radnjama po prijemu ovog akta.



Ombudsmeni Bosne i Hercegovine:

Mr. sci. Jasminka Džumhur

Nives Jukić

Dr. Ljubinko Mitrović

Dostavljeno:

- 1x naslovu
- 1x podnosiocu žalbe
- 1x u spis

² "Službeni glasnik BiH", broj: 19/02, 35/04, 32/06 i 38/06